

**KANTONALNA
PRIVREDNA
KOMORA TUZLA**

**BROJ 5-7/24,
maj-juli
2024. godine**



KOMORSKI INFORMATOR



KANTONALNA PRIVREDNA KOMORA TUZLA
CHAMBER OF ECONOMY OF TUZLA CANTON
KANTONALE WIRTSCHAFTSKAMMER TUZLA



UDRUŽENJE
POSLODAVACA

GRUPACIJA POSLODAVACA TUZLANSKOG KANTONA

**10. i 11. juna 2024. godine
Hotel "Salis"
Ulica Soli 4
Tuzla**

**"Konferencija
o
stanju i perspektivama
ekonomskog
i
infrastrukturnog razvoja
Tuzlanskog kantona"**



中國建築
CHINA STATE CONSTRUCTION



**KONFERENCIJA O STANJU
I PERSPEKTIVAMA
EKONOMSKOG I
INFRASTRUKTURNOG
RAZVOJA TK**



**"ODRŽIVI EKONOMSKI
RAZVOJ I PROMOCIJA
ZAPOSŁJAVANJA U BIH"**



**KOMORA I BEOGRADSKI
SAJAM NASTAVLJAJU
SARADNJU**




**50. ROĐENDAN
LUKAVAC CEMENTA**

Komorski informator

Uvod

Poštovani čitaoci!



Komorski informator donosi niz značajnih informacija o događajima u Komori ili onima koje je Komora realizovala i organizovala. Čak bi se reklo, nesvojstveno ljetnim mjesecima koje obuhvata ovo izdanje komorske novine.

Sa punim pravom, najviše pažnje privukla je veoma značajna komorska aktivnost koja se odnosi na organizaciju dvodnevne Konferencije o stanju i perspektivama ekonomskog i infrastrukturnog razvoja Tuzlanskog kantona. Generalno, inicirala je ova tema i niz drugih sastanaka, okruglih stolova, reakcija, saopćenja, podrški ideji usmjerenoj ka putnoj deblokadi Tuzle i Tuzlanskog kantona. Na konferenciji, koju je organizovala Kantonalna privredna komora Tuzla u saradnji sa Grupacijom poslodavaca TK i Vladom TK, razgovaralo se o saobraćajnoj deblokadi Tuzlanskog kantona koji se decenijama nalazi u nepovoljnom položaju u odnosu na druge dijelove Bosne i Hercegovine, posebno uzimajući u obzir privredni značaj i potencijale za razvoj. U dva dana, svjedočili smo nizu konstruktivnih i kvalitetnih diskusija, prezentacija, panela i na kraju konkretnim i značajnim zaključcima koji predstavljaju smjernice za buduće aktivnosti i planove relevantnih institucija, te osiguravaju kontinuiranu posvećenost i rad na projektima. Dopunjeni i dorađeni zaključci pripremljeni su za Vladu i Skupštinu Tuzlanskog kantona odakle će inicijativa za njihovo usvajanje i realizaciju poteći ka višim nivoima vlasti u BiH. Svi zaključci sa dvodnevne Konferencije o stanju i perspektivama ekonomskog i infrastrukturnog razvoja Tuzlanskog kantona, dostupni su na web stranici Komore.

Pored ovog značajnog događaja, bilježimo u prethodnom periodu i posjetu grčkog Ambasadora, sjednice nekoliko odbora komorskih udruženja, sajamske aktivnosti, sjednice najviših i najvažnijih komorskih tijela: Nadzornog i Upravnog odbora te Skupštine Komore.

U okviru projekta "Unaprjeđenje okvira za integraciju dualno organizovanog obrazovanja u Tuzlanskom kantonu" koji Kantonalna privredna komora Tuzla realizuje u saradnji sa Deutsche Gesellschaft für Internationale Zusammenarbeit (GIZ) GmbH, realizovano je niz aktivnosti. Održani su sastanci radnih grupa, obuke za master trenere, prikupljaju se prijave poslovnih subjekata zainteresovanih za realizaciju praktične nastave za učenike srednjih stručnih škola u školskoj 2024/25 godini.

Obavljene su pripeme i obezbijeđen je nastup firmi članica Komore Tuzla na značajnim sajamskim manifestacijama u Bosni i Hercegovini i regionu. Tako nas već od kraja avgusta i Sajma šljive u Gradačcu, očekuju nastupi u Modriči, Bihaću, Tešnju, Zenici, Sarajevu, Zagrebu i Beogradu. Brojne prilike da privrednicima područja Tuzlanskog kantona, članice Kantonalne privredne komore Tuzla i oni koji to žele postati, prezentuju i promoviraju svoje proizvode i usluge na kvalitetnim sajamskim manifestacijama, na zajedničkom izložbenom prostoru pod nazivom "Privreda TK".



Komorski informator

Sadržaj

KANTONALNA
PRIVREDNA
KOMORA TUZLA

KOMORSKI INFORMATOR
BROJ 5-7/24,
maj-juli
2024. godine

IZDAVAČKI SAVJET:

1. Nedret Kikanović, član
2. Elvir Salihović, član
3. Izet Džananović, član
4. Suad Selimović, član
5. Edina Kurtić, član

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Edina Kurtić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Mirnes Salihović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	Održane sjednice Komorskih tijela	4
	Održana redovna sjednica Odbora Udruženja za trgovinu, ugostiteljstvo i turizam	4
	redovna sjednica Odbora Udruženja za industriju tekstila, kože i obuće	5
	Komora i Beogradski sajam nastavljaju saradnju	5
	Ambasadorica Grčke u posjeti Komori	6
	“Povećati konkurentnost privrede, zaposlenost, izvoz, razvoj privrede”	7
	“Održivi ekonomski razvoj i promocija zapošljavanja u BiH”	8 i 9
	50. rođendan Lukavac cementa	10 i 11
	Konferencija o stanju i perspektivama ekonomskog i infrastrukturnog razvoja Tuzlanskog kantona	12 i 13
	Konferencija Komore Tuzla daje rezultate	14
	Tuzlanski kanton mora jedinstveno djelovati	15
	“Putna izolacija Tuzle i Tuzlanskog kantona, dokle ćemo biti crna rupa”	16
	“Dokle ćemo biti Crna rupa”	17
	Održan 22. sajam “List” Lukavac	18
	Održan 1. sajam Kafe i Čokolade u Tuzli	19
	Objavljen prvi javni poziv za novi projekt EmBRACE	20
	Sajamske manifestacije u BiH	21 i 22



Iz Komore...

Održane sjednice Komorskih tijela

Usvojeni predloženi planovi i programi



U okviru redovnih aktivnosti, održane su sjednice Upravnog odbora i Skupštine Kantonalne privredne komore Tuzla. Oba tijela su jednoglasno usvojila predložene materijale. Riječ je o Izvještaju o radu Kantonalne privredne komore Tuzla za 2023. godinu, Izvještaj o rezultatima finansijsko-materijalnog poslovanja za period januar-decembar 2023. godine te Izvještaj Nadzornog odbora, koji je nešto ranije zasjedao, a o uvidu u Finansijski izvještaj Komore za 2023. godinu. Članovi komorske Skupštine su usvojili Odluku o usvajanju završnog računa i rasporedu viška prihoda po završnom računu za 2023. godinu te odluku o razriješenju dosadašnjih i imenovanju novih članova Skupštine Komore.

D.K.

Iz Udruženja za trgovinu, ugostiteljstvo i turizam

Podrška organizaciji 1. sajma Kafe i čokolade u Tuzli

Održana redovna sjednica Odbora Udruženja za trgovinu, ugostiteljstvo i turizam Kantonalne privredne komore Tuzla



U okviru redovnih aktivnosti održana je zajednička sjednica odbora Udruženja za trgovinu, ugostiteljstvo i turizam i Udruženja turističkih agencija Kantonalne privredne komore Tuzla. Sjednica je održana u okviru prvog sajma Kafa i čokolade koji je održan u Tuzli sredinom maja. na sjednici se izrazila podrška organizaciji 1. Sajma kafe i čokolade Tuzla čiji je organizator Centar za promociju i razvoj "Activus" Tuzla, članica Odbora Udruženja za trgovinu, ugostiteljstvo i turizam Kantonalne privredne komore Tuzla. Članove odbora ovih komorskih udruženja, sa idejom i vizijom organizovanja 1. Sajma kafe i čokolade u Tuzli, upoznao je Edis Bajić direktor Centra za promociju i razvoj "Activus" Tuzla. Bila je ovo prilika i da se obave poslovni razgovori sa izlagačima na Sajmu, potencijalnim poslovnim partnerima i potencijalnim novim članicama Udruženja. Inače, 1. Sajma kafe i čokolade u Tuzli su podržali svojim nastupom i izlaganjem u tri sajamska dana, članice ovih udruženja: "Guber" Tuzla, "Cofi" Kalesija, Turistička organizacija Grada Tuzla, "Panonika" Tuzla, OR "Api riznica" Živinice



Iz Udruženja za industriju tekstila, kože i obuće....

Strategije razvoja industrije tekstila, odjeće, kože i obuće u FBiH 2024.-2033. godine

Održana redovna sjednica Odbora Udruženja za industriju tekstila, kože i obuće
Kantonalne privredne komore Tuzla



Na osnovu Pravilnika o radu Udruženja industrije tekstila, kože i obuće, Kantonalne privredne komore Tuzla, u maju je održana sjednica Odbora Udruženja u proširenom sazivu, vezano za izradu Strategije razvoja industrije tekstila, odjeće, kože i obuće u Federaciji Bosne i Hercegovine za period 2024.-2033. godina. Odboru su prisustvovali predstavnici Federalnog ministarstva energije, rudarstva i industrije, koji su uz podršku Razvojnog programa Ujedinjenih nacija (UNDP) nosioci procesa izrade Strategije te

vanjski ekspert g. Jurij Koba. Na sastanku je razgovarano o izazovima sa kojima se ova industrija susreće, posebno zadnjih nekoliko godina, ali i značaju ove djelatnosti, posebno uzimajući u obzir njen socijalni aspekt. Istaknut je značaj strateškog pristupa i određivanje pravaca u kojima će se ova industrija u budućnosti kretati u Federaciji. Domaće kompanije su istakle značaj ulaganja u savremene tehnologije i razvoj kadrova kako bi zadržale svoju konkurentsku prednost, posebno jer je industrija tekstila, kože i obuće pod velikim pritiskom globalnih privrednih tokova. Jedan od glavnih izazova je značajna konkurencija iz drugih zemalja sa nižim troškovima proizvodnje, npr. iz azijskih zemalja, dok su ulaganja u tehnologiju i javnu infrastrukturu ojačala konkurenciju iz zemalja u okruženju, pogotovo Albanije i Rumunije. Preduzeća iz FBiH se često suočavaju sa birokratskim preprekama, a postoji i potreba za državnim politikama koje podstiču ulaganja i pojednostavljaju izvozne procese. Zajednički stav svih prisutnih je da Strategija koja je u izradi mora jasno definisati pravce opstanka i razvoja ove industrije i da je njena implementacija od izuzetnog značaja za očuvanje konkurentskog položaja i radnih mjesta.

Edina Kurtić, sekretar Udruženja za industriju tekstila, kože i obuće

Delegacija Beogradskog sajma u posjeti Komori...

Komora i Beogradski sajam nastavljaju saradnju

60. jubilarni sajam od 1. do 6. oktobra



Kantonalna privredna komora Tuzla i Beogradski sajam nastavljaju dobru saradnju kao i u prethodnim godinama. U skladu sa realizacijom planova za nastavak saradnje, delegacije sajmova iz Beogradskog sajma upriličila je posjetu Komori a održan je i sastanak sa firmama članicama Komore. Bila to prilika za razgovor o dosadašnjim iskustvima, planovima za naredni period, mogućnostima nastupa na sajamskim manifestacijama u Beogradu, u okviru zajedničke postavke "Privreda TK" ili samostalno. Riječ je o sajamskim manifestacijama na kojima je Komora organizovala zajedničku postavku u prethodnih nekoliko godina: Međunarodni sajam turizma, Međunarodni sajam građevinarstva "SEEBBE", Međunarodni sajam namještaja i Etno sajam hrane i pića. Koordinatori ovih sajamskih manifestacija posjetili su Komoru i razgovarali sa potencijalnim izlagačima.

"Kantonalna privredna komora Tuzla ima tradiciju saradnje i dobrih odnosa sa Beogradskim sajmom koji predstavlja jednu od najvažnijih i najkvalitetnijih institucija u sajamskoj industriji ovog dijela Evrope. Od ukupno dvadesetak sajamskih manifestacija koje se u toku jedne godine održavaju u okviru Beogradskog sajma, Komora sa svojim članicama

učestvuje na četiri veoma značajne sajamske manifestacije. To su Međunarodni sajam turizma, Međunarodni sajam građevinarstva "SEEBBE", Međunarodni sajam namještaja i Etno sajam hrane i pića. uspostavili smo izvanrednu saradnju sa menadžmentom Beogradskog sajma i to su ta četiri sajma na koja možemo da odgovorimo, za koje su naše članice pokazale interes. Ova posjeta je između ostalog i za razgovor o novim sajamskim aktivnostima, novim iskoracima, pokušaju da se animiraju privrednici i iz drugih privrednih grana, odnosno, komorskih udruženja. Trenutno smo u pripremi nastupa na 60. jubilarom sajmu namještaja, animiramo naše članice da izađu na ovaj sajam sa svojim uslugama, i proizvodima. Mogu to učiniti direktno u svojoj sa Sajmom, u okviru naše tradicionalne zajedničke postavke "Privreda TK", ili potpuno samostalno ali uz posredstvo Komore što im donosi određene popuste i pogodnosti", izjavio je Dino Kalesić rukovodilac Sektora za međunarodnu saradnju. U nizu kvalitetnih sajmova ove godine na Beogradskom sajmu se izdvaja sajam namještaja koji koji ove godine obilježava i jubilej, 60. izdanje. "Očekujemo izlagače koje ćemo rasporediti u šest hala, po petnaest robnih grupa, iz svih zemalja šireg regiona uz domaće izlagače. Od skora sarađujemo sa Komorom iz Tuzle i zadovoljstvo je reći da saradnja iz godine u godinu napreduje. I u Tuzli smo razgovarali o toj saradnji, o unaprijeđenju odnosa, o tome da sve firme koje se nama obrate a koje su član Komore, imaju popust od 25%, pokazalo se to veoma uspješnim, privrednici dolaze i mi ih pozivamo da dođu u što većem broju. Mislimo da je ovo pravi put i da je vrlo značajna saradnja sa Komorom Tuzla a i generalno sa svim komorama u komorskim sistemima zemalja u okruženju", izjavio je Aleksandar Pavić koordinator sajma namještaja na Beogradskom sajmu. Sajam namještaja će u Beogradu biti održan od 1. do 6. oktobra.

D.K.



Ambasadorica Grčke u posjeti Komori...

Jačati saradnju TK, BiH i Grčke

Omogućavanje boljeg i bržeg procesa izvoza i uvoza između TK, BiH i Grčke, dogovoreno je da se zajednički radi na povezivanju privrednika i jačanju poslovne saradnje



U posjeti Kantonalnoj privrednoj komori Tuzla, a u okviru nastupne posjete Tuzli i Tuzlanskom kantonu, boravila je Nj.E. ambasador Grčke gđa Ijoana Eftimiadu (Ioanna Efthymiadou). Uvaženu gošću u pratnji Georgiosa Tosunisa (Georgios Tosounis) ekonomskog savjetnika i šefa Odjela za ekonomske i trgovinske odnose, u Komori je na sastanku primio Nedret Kikanović predsjednik Kantonalne privredne komore Tuzla sa svojim saradnicima.

Predsjednik Kikanović je ambasadoricu upoznao o privrednoj strukturi Tuzlanskog kantona i aktuelnoj situaciji u privredi, aktivnostima koje poduzima Kantonalna privredna komora Tuzla.

“Vanjskotrgovinska razmjena između naše dvije zemlje je na niskom nivou i sigurno ima prostora za unaprjeđenje posebno kada je u pitanju Tuzlanski kanton. Statistički podaci to potvrđuju i kazuju nam da je sa Tuzlanskog kantona u Grčku u prošloj godini, izvezeno 5 miliona KM robe da je uvezeno 10,3 miliona KM roba. Naš cilj je povećati ove cifre, pojačati vanjskotrgovinsku razmjenu, jer su do sada, uprkos dobrim odnosima dvije zemlje, i izvoz i uvoz nisu bili zadovoljavajući i proporcionalni onome što obje strane mogu i treba da ponude. Znali smo od ranije a i danas nam je uvažena ambasadorica upotpunila naša saznanja da obje strane imaju šta ponuditi i da postoji prostor za napredak u ekonomskim odnosima. Mi smo, uz povezivanje privrede, povećanje izvoza u segmentu namještaja, posebno zainteresovani za povezivanje sa grčkim privrednim komorama a sve u cilju bržeg i kvalitetnijeg povezivanja privrednika, firmi članica Komore sa grčkim privrednicima”, rekao je Nedret Kikanović predsjednik Kantonalne privredne komore Tuzla.



Ambasadorica Eftimiadu je predsjednika Kikanovića i njegove saradnike upoznala sa privrednim potencijalima Grčke. **“Bosna i Hercegovina i Grčka imaju dobre odnose, ali i potencijal za dalju saradnju. Veoma smo zainteresovani za različite puteve do poboljšanja saradnje. Zajedno ćemo pronaći način pomoću kojeg možemo imati zajedničku korist. Smatram da postoji jaka potreba za direktnijim vanjskotrgovinskim odnosima, imajući u vidu da se većina dosadašnje razmjene odvijala posredstvom trećih zemalja. Povjerenje koje smo međusobno izgradili je veoma jako, historijska pozadina je također jaka i trebamo graditi ove odnose posebno u poslovnom svijetu. Postoji prostor za unaprjeđenje saradnje a naša uloga i zadatak su upravo da radimo na tom planu, ostvorimo što snažnije povezivanje privrednika i omogućimo kontakte koji će dovesti do novih poslovnih iskoraka”,** navela je Nj.E. ambasador Grčke gđa Ijoana Eftimiadu.

Razgovaralo se još o unaprjeđenju odnosa kada je u pitanju oblast turizma, bilo je riječi i o avio saobraćaju između dvije zemlje, gosti iz Grčke su spremni dati informacije i upute vezane za oblast obnovljivih izvora energije, organizovati seminare vezane za zelenu tranziciju.

U okviru predviđenih aktivnosti tokom posjete Tuzli i Tuzlanskom kantonu, Nj.E. ambasadorica Grčke u BiH Ijoana Eftimiadu i Georgios Tosunis ekonomski savjetnik i šef Odjela za ekonomske i trgovinske odnose, susresli su sa Zijadom Lugavićem gradonačelnikom Tuzle a sastanku je prisustvovala i predsjedavajuća Predstavničkog doma Parlamenta FBiH, Mirjana Marinković Lepić. Posjeta je završena susretom sa Irfanom Halilagićem premijerom Tuzlanskog kantona.

D.K.



Održan Info dan u Komori Tuzla...

“Povećati konkurentnost privrede, zaposlenost, izvoz, razvoj privrede”

Prezentirani detalji objavljenog Javnog konkursa



Federalno ministarstvo razvoja, poduzetništva i obrta je 15. maja raspisalo Javni konkurs za odabir korisnika grant sredstava tekućih transfera za 2024. godinu. U cilju što kvalitetnijeg informiranja potencijalnih korisnika Federalno ministarstvo razvoja, poduzetništva i obrta u suradnji s UNDP-Razvojni program Ujedinjenih nacija u BiH i Gospodarskom komorom Federacije BiH te Gospodarskim komorama USK i TK organiziralo je četiri info dana. Nakon Bihaća, Sarajeva i Mostara, Info dan je održan i u Tuzli u prostorijama Kantonalne privredne komore Tuzla. Kao i na prethodni tri, i u Tuzli su predstavnici Ministarstva prezentirali detalje objavljenog Javnog konkursa i dali pojašnjenja vezana za podnošenje projektnih prijava. Info danu je prisustvovao veliki broj privrednika i predstavnika institucija sa područja Tuzlanskog kantona. U Komori su informisani o objavljenom Javnom konkursu, te su dobili sve potrebne upute oko apliciranja i ostale značajne informacije. Cilj navedenih programa podrške Federalnog ministarstva razvoja, poduzetništva i obrta je da se poveća konkurentnost privrede, poveća zaposlenost i izvoz, te tako nastavi kontinuitet razvoja privrede u Federaciji BiH. Kako je istaknuto na skupu u Tuzli, predmet javnog konkursa je prikupljanje prijava za odabir korisnika grant sredstava tekućih transfera, po projektima:

- **Projekt br. 1 Izgradnja poduzetničkih zona**

Izgradnja nove i unapređenje postojeće komunalne, prometne i energetske infrastrukture unutar poduzetničke zone, tamo gdje nedostatak iste predstavlja prepreku razvoju poduzetništva u poduzetničkim zonama Federacije Bosne i Hercegovine, kao i uspostava/unapređenje usluga za razvoj poduzetništva unutar poduzetničke zone, te unapređenje komunikacijske infrastrukture kao faktora za ekonomski rast na lokalnoj razini. Ukupna vrijednost raspoloživih sredstava za ovaj projekt je 7.500.000,00 KM.

- **Projekt br. 2: Unapređenje institucijske poduzetničke infrastrukture**

Pružanje savjetodavnih usluga, razvojno-istraživačkih i tehničko-tehnoloških usluga, pružanje znanja o digitalnim

trendovima i vođenje u pripremi za digitalnu transformaciju poduzetnika, ciljano privlačenje investicija, umrežavanje i širenje tržišta, razvoj poduzetničkih potpornih institucija (poduzetničkih centara, poduzetničkih inkubatora, tehnoloških parkova, akceleratora, klastera i razvojnih agencija); podizanje konkurentne sposobnosti poduzetnika edukacijom i unapređenjem poduzetničkih znanja i vještina i sufinanciranje odobrenih EU projekata koji podržavaju razvoj poduzetništva. Ukupna vrijednost raspoloživih sredstava je 350.000,00 KM.

- **Projekt br. 3: Poticaj za organiziranje sajмова gospodarstva**

Podrška organizaciji najznačajnijih sajмова gospodarstva u Federaciji BiH koji svojim sadržajima promiču i potiču razvoj poduzetništva i obrta u Federaciji BiH. Ukupna vrijednost raspoloživih sredstava je 350.000,00 KM.

- **Projekt br. 4: Jačanje konkurentnosti MSP**

Jačanje konkurentnosti i poticanje rasta inovativnih i izvozu usmjerenih MSP-a kroz tehnološku modernizaciju poslovnih procesa, uvođenje standarda kvalitete, cirkularne ekonomije i poboljšanje energijske efikasnosti u skladu s tranzicijom ka zelenoj i digitalnoj ekonomiji. Ukupna vrijednost raspoloživih sredstava za ovaj projekt je 13.000.000,00 KM.

- **Projekt br. 5: Podrška MSP u IT sektoru**

Tehnološko unapređenje MSP i unapređenje kvaliteta proizvoda kroz nabavku nove opreme, integraciju AI alata i optimizaciju radnih procesa, sufinanciranje zapošljavanja junior stručnjaka kao i razvoj i komercijalizacija novih proizvoda/ usluga u IT industriji. Ukupna vrijednost raspoloživih sredstava za ovaj projekt je 2.700.000,00 KM

- **Projekt br. 6: Poticaj za razvoj obrta i srodnih djelatnosti**

Poticanje razvoja obrta i srodnih djelatnosti kroz sufinanciranje troškova nabavke opreme potrebne za proširenje i modernizaciju proizvodnje, s ciljem unapređenja obrtništva odnosno povećanja kvaliteta proizvoda i rasta zaposlenosti i pružanje mentoring usluga. Ukupna vrijednost raspoloživih sredstava je 1.000.000,00 KM.

- **Projekt br. 7: Poticaj novoosnovanim subjektima malog gospodarstva**

Održavanje pozitivnog trenda poduzetničke aktivnosti s gledišta povećanja broja novoosnovanih subjekata malog gospodarstva. Kroz projekt će se realizirati subvencioniranje troškova nabavke opreme i pružanje mentoring usluga. Ukupna vrijednost raspoloživih sredstava za ovaj projekt je 1.000.000,00 KM.

D.K.



“Održivi ekonomski razvoj i promocija zapošljavanja u BiH”...

Održani sastanci Radne grupe

Unaprjeđenje pravnog okvira za srednje stručno obrazovanje u Tuzlanskom kantonu



U okviru projekta “Unaprjeđenje okvira za integraciju dualno organizovanog obrazovanja u Tuzlanskom kantonu” koji Kantonalna privredna komora Tuzla realizuje u saradnji sa Deutsche Gesellschaft für Internationale Zusammenarbeit (GIZ) GmbH, formirana je Radna grupa za unaprjeđenje pravnog okvira za srednje stručno obrazovanje u Tuzlanskom kantonu, u čijem radu učestvuju predstavnici svih relevantnih institucija, Ministarstva obrazovanja i nauke TK, Ministarstva privrede TK, Pedagoškog zavoda TK, partnerskih srednjih škola iz Gračanice, Živinica i Tuzle, te predstavnici poslodavaca i privrednih subjekata.

Radna grupa je, uz stručnu pomoć GIZ-a, održala tri sastanka na kojima su analizirani federalni i kantonalni propisi koji se odnose na srednje stručno obrazovanje s posebnim akcentom na realizaciju praktične nastave kod poslovnih subjekata. Posebno su se u fokusu našla pitanja utvrđivanja ispunjenosti uslova poslovnih subjekata za obavljanje praktične nastave, značaj i obuka mentora u poslovnim subjektima i uspostavljanje i vođenje evidencije poslovnih subjekata zainteresovanih za realizaciju praktične nastave. Uz podršku GIZ-ovih savjetnika, kreiran je Prijedlog Nacrta Pravilnika o izmjenama i dopunama Pravilnika o praktičnoj nastavi i Prijedloga Prednacrt Zakona o izmjenama i dopunama Zakona o srednjem obrazovanju/ naobrazbi i odgoju koji posebno tretiraju ova pitanja. Cilj je stvoriti preduslove za što kvalitetniju realizaciju praktične nastave, uključiti što veći broj poslovnih subjekata koji će omogućiti učenicima da svoja znanja i vještine stiču u njihovim kompanijama te raditi na uspostavljanju kvalitetnije komunikacije između škola i privrede.



Prijedlozi kreiranih propisa će u narednoj fazi biti dostavljeni na mišljenje školama i poslovnoj zajednici, nakon čega će biti dostavljeni Ministarstvu obrazovanja i nauke Tuzlanskog kantona na daljnje postupanje.

Projekat se realizuje kroz lokalnu subvenciju u okviru projekta “Održivi ekonomski razvoj i promocija zapošljavanja u Bosni i Hercegovini” (SEDEP) čiji je cilj poboljšanje stanja zapošljavanja i jačanje privatnog sektora u Bosni i Hercegovini, fokusirajući se na zelenu ekonomsku i digitalnu transformaciju, kojeg sufinansiraju Ministarstvo za ekonomsku saradnju i razvoj Savezne Republike Njemačke (BMZ) i Vlada Švicarske, a provodi Deutsche Gesellschaft für Internationale Zusammenarbeit (GIZ) GmbH kroz projektnu komponentu “Jačanje srednjeg stručnog obrazovanja i obuke” (SVET) čiji je cilj jačanje sistema stručnog obrazovanja s fokusom na dualno organizovano stručno obrazovanje.

Krajnji cilj zajedničke saradnje i aktivnosti GIZ-a, Ministarstva obrazovanja i nauke Tuzlanskog kantona i Pedagoškog zavoda Tuzlanskog kantona, škola, privrede i ostalih aktera je poboljšanje zapošljivosti učenika nakon završene srednje škole.



Obuka za “Master trenere” Jačanje dualno organizovanog Stručnog obrazovanja u BiH



U periodu od 2. do 5. jula.2024. godine u Tuzli je održan prvi dio obuke za “Master trenere”. Obuka je održana u sklopu projekta “Održivi ekonomski razvoj i promocija zapošljavanja” (SEDEP) u Bosni i Hercegovini kojeg sufinansiraju Njemačko savezno ministarstvo za ekonomsku saradnju i razvoj (BMZ) i Švicarska agencija za razvoj i saradnju (SDC) a implementira GIZ kroz komponentu projekta “Jačanje stručnog obrazovanja i osposobljavanja” (SVET).

Obuci je prisustvovalo 16 predstavnika različitih institucija kao što su Pedagoški zavodi, Privredne komore i Ministarstva obrazovanja iz kantona Sarajevo, Zeničko-dobojskog kantona, Tuzlanskog kantona, Unsko-sanskog kantona i Republike Srpske. Očekivanja učesnika koja su iznijeli na početku obuke su sticanje novih znanja i kompetencija, razmjene iskustava sa ostalim učesnicima budućim Master trenerima kao i da prošire znanja u oblasti realizacije praktične nastave u privrednim subjektima kao i dualno organizovanom obrazovanju generalno.

Cilj obuke je da učesnici nakon uspješnog završetka obuke obučavaju mentore iz privrednih subjekata koji poticajno vode i prate učenike na praksi tokom njihovog školovanja. Povećavanjem broja obučanih mentora od strane Master trenera i samim tim povećanje privrednih subjekata u dualno organizovanom obrazovanju će neminovno dovesti do povećanja i unaprijeđenja radne snage na tržištu rada. Sama obuka se sastoji od više modula koji sadrže različite teme kao što su uloga mentora, saradnja između mjesta učenja, izazovi dualnog obrazovanja, didaktički koncept dualnog obrazovanja, itd. Nakon uspješnog polaganja završnog ispita, polaznici obuke će dobiti uvjerenje da su pohađali obuku za Master trenera kao i uvjerenje o položenom ispitu.

Poziv privrednim subjektima...

Praktična nastava u poslovnim subjektima

Projekat “Unapređenje okvira za integraciju dualno organizovanog obrazovanja u Tuzlanskom kantonu”



Kantonalna privredna komora Tuzla prikuplja prijave poslovnih subjekata zainteresovanih za realizaciju praktične nastave za učenike srednjih stručnih škola u školskoj 2024/25 godini, u skladu sa Pravilnikom o praktičnoj nastavi kojeg je Ministarstvo obrazovanja i nauke Tuzlanskog kantona donijelo početkom godine. Cilj ove aktivnosti je unapređenje praktične nastave i obezbijediti priliku što većem broju učenika da praktična znanja i vještine u toku svog školovanja steknu u privrednim subjektima, u realnim radnim uslovima i da budu što spremniji za tržište rada po završetku školovanja.

Pozivamo sve poslovne subjekte koji su zainteresovani za realizaciju praktične nastave, da nam se jave putem e-maila edina@kpktz.ba da bi dobili prijavni obrazac za iskazivanje interesa.

Napominjemo da iskazivanje interesa nije obavezujuće za poslovne subjekte. Poslovni subjekti koji iskažu interes, biće povezani sa odgovarajućim srednjim školama sa kojima će direktno dogovarati uslove saradnje i obavljanja praktične nastave u skladu sa propisima koji regulišu ovu oblast.

Aktivnost se provodi u okviru projekta “Unapređenje okvira za integraciju dualno organizovanog obrazovanja u Tuzlanskom kantonu” s fokusom na povećanju kvaliteta i broja učenika koji praktičnu nastavu obavljaju kod poslovnih subjekata. Također, organizovat će se obuke mentora u kompanijama i raditi na unapređenju saradnje između škola i privrednih subjekata.

Projekat se realizuje kroz lokalnu subvenciju u okviru projekta “Održivi ekonomski razvoj i promocija zapošljavanja u Bosni i Hercegovini” (SEDEP) čiji je cilj poboljšanje stanja zapošljavanja i jačanje privatnog sektora u Bosni i Hercegovini, fokusirajući se na zelenu ekonomsku i digitalnu transformaciju, kojeg sufinansiraju Ministarstvo za ekonomsku saradnju i razvoj Savezne Republike Njemačke (BMZ) i Vlada Švicarske, a provodi Deutsche Gesellschaft für Internationale Zusammenarbeit (GIZ) GmbH kroz projektnu komponentu “Jačanje srednjeg stručnog obrazovanja i obuke” (SVET) čiji je cilj jačanje sistema stručnog obrazovanja s fokusom na dualno organizovano stručno obrazovanje.

Također, napominjemo da je Ministarstvo obrazovanja i nauke TK preuzelo obavezu uplate PIO doprinosa (osiguranje u slučaju invalidnosti i smrti usljed povrede na radu i profesionalne bolesti tokom obavljanja praktične nastave) za učenike na praktičnoj nastavi.

Edina Kurtić, rukovodilac Sektora udruženja



Obilježavanje velikog jubileja...

50. rođendan Lukavac cementa

Povodom jubileja Lőrinc Mészáros prvi put posjetio Lukavac cement -
Održana Konferencija za medije



U povodu svečanog obilježavanja zlatnog jubileja Lukavac Cementa, 6. juna 2024. godine na dan kada je fabrika puštena u pogon, u kratku jednosatnu posjetu stigao je novi vlasnik Lőrinc Mészáros, a potom je održana konferencija za medije.

Lukavac Cement, vodeći bosanskohercegovački proizvođač portland i zidarskog cementa, u decembru 2023. postao je članica mađarske Talentis Grupe koja djeluje u sastavu Mészáros Grupe na čijem čelu je Lőrinc Mészáros. Tokom prijedpodnevnih posjeta Lukavac Cementu, Mészáros je obišao jedan dio postrojenja, upoznao se i razgovarao s menadžmentom i održao prigodan pozdravni govor uposlenicima fabrike. Tom prilikom su zasadili i drvo javora kao simbol zajedničke posvećenosti prirodi i zaštiti okoliša, ali i za uspješan početak nove faze poslovanja Lukavac Cementa.

“Želio sam danas svakako biti ovdje kada se obilježava ovaj poseban datum za Lukavac Cement. Zalaganje i odanost njegovih radnika tokom ovih 50 godina su sigurno bili glavna osnova uspjeha. Ova fabrika je sinonim za kvalitet i izvrsnost i zato svima koji su dali doprinos njenom razvoju i napretku upućujem iskrene čestitke. Izuzetno sam zadovoljan da smo sada prisutni i u Bosni i Hercegovini i da nastavljamo s daljim ulaganjima i unapređenjem poslovanja Lukavac Cementa u skladu sa modernim praksama i aktuelnim dostignućima industrije cementa”, izjavio je Mészáros.

Na konferenciji za medije, na kojoj je premijerno prikazan i kratki film o prvih 50 godina Lukavac Cementa, istaknuto je da fabrika uspjela opstati i rasti zahvaljujući timskom radu svih njenih zaposlenika ali i uspješnoj privatizaciji te da sada kao članica Talentis Grupe, na svoj 50. rođendan, započinje novu eru poslovanja s jasnom vizijom i pogledom u budućnost.

Stjepan Kumrić, generalni direktor Lukavac Cementa, u svom obraćanju je naglasio da je u proteklm godinama u ovoj kompaniji kreirano poticajno okruženje, u kojem su spojeni znanje i iskustvo vrhunskih stručnjaka sa entuzijazmom novih, mladih zaposlenika koji u Lukavac Cementu imaju priliku graditi svoje karijere kao u bilo kojoj drugoj naprednoj zemlji i dodao: **“Cilj nam je da mladi, stručni ljudi ovdje ostaju i zajedno s nama grade bolju budućnost Bosne i Hercegovine”.**



U ime Talentis Grupe medijima se obratio Dusán Lásztity, član Nadzornog odbora Lukavac Cementa u ime najavljenog Tamása Németha, predsjednika Nadzornog odbora Lukavac Cementa, koji je tom prilikom rekao: **“Naši planovi za Lukavac Cement su bazirani na povećanju udjela alternativnih goriva, ali razrađujemo i druge projekte kao što hvatanje ugljika i iskorištavanje solarne energije. Krajnji nam je cilj je da ovašnju proizvodnju cementa učinimo što zelenijom i ekološki potpuno prihvatljivom te da u dovoljnim količinama snabdijevamo mađarsko, bosanskohercegovačko i druga tržišta”.** Mađarska Talentis Grupa, koja je specijalista u građevinskoj branši, kupovinom Lukavac Cementa sada je prisutna u BiH, što je ujedno pokazatelj ozbiljnih namjera mađarskih kompanija da ovdje investiraju.

“Mađarska država svesrdno podržava aktivnosti svojih privrednika koji žele ulagati ne samo u BiH, nego i u cijelom regionu. Ulazak Talentis Grupe u ovu savremenu bosanskohercegovačku cementaru je izvrstan primjer i za sve druge investitore, ali i za naše buduće saradnje, jer, između ostalog, predstavlja značajan doprinos daljem razvoju dobrih ekonomskih i prijateljskih odnosa između BiH i Mađarske”, kazao je ambasador Republike Mađarske u BiH Krisztián Pósa.





U svom emotivnom obraćanju bivši generalni direktor Lukavac Cementa Izet Imamović je rekao: **“Kako je prije 50 godina otvorena kao prva fabrika cementa u BiH, tako je i danas prva i prednjači u svemu. U svom dugodišnjem radu i vođenju ove cementare glavni motiv mi je uvijek bio da što profesionalnije obavljam svoj posao i odgovorno donosim odluke. Ipak, timski rad je ključ uspjeha. Ovo što smo uspjeli napraviti u Lukavac Cementu, napravili smo mi, a ne neki pojedinac sam.”** Edin Delić, gradonačelnik Lukavca, izrazio je svoje zadovoljstvo da tako savremeno industrijsko postrojenje postoji u Lukavcu i da je izuzetno ponosan na pionirski projekt upotrebe alternativnih goriva u Lukavac Cementu, jer upravo zahvaljujući transparentnosti, otvorenosti, dobroj organizaciji i komunikaciji sa građanima, svi su postali svjesni da je ovo vrlo kvalitetno i napredno rješenje, posebno s aspekta zaštite okoliša. Čestitao je 50. rođendan svim bivšim i sadašnjim zaposlenicima i zaposlenicama cementare i na kraju zaželio dobrodušicu Talentis Grupi u Lukavac sa željom da buduća saradnja s lokalnom zajednicom bude i nadalje uspješna.

Divide Creative studio

Nastavak uspješne saradnje Vlade TK i Lukavac cementa



Povodom preuzimanja vlasničkog kapitala u kompaniji Lukavac Cement od strane Talentis International Construction Investments Kft. iz Mađarske, ali i obilježavanja 50. godišnjice postojanja ove fabrike u Lukavcu, delegacija Uprave Fabrike posjetila je premijera Tuzlanskog kantona Irfana Halilagića. Osim upoznavanja bila je ovo prilika da se premijeru i Vladi Tuzlanskog kantona predstave poslovni ciljevi na naredni period i plan rada u budućnosti, te nastavi uspješna saradnja na budućim projektima na Tuzlanskom kantonu sa društvenom zajednicom u kojoj fabrika već pola vijeka radi. Kako je istaknuo premijer Halilagić privatizacija Cementare u Lukavcu jedna je od najuspješnijih privatizacija u BiH.



“Od 2001. godine došlo je do snažnog razvoja, Cementara je postala prepoznatljiv brend i sinonim za kvalitetan cement. U proteklih 20-ak godina unaprijeđeni su proizvodni kapaciteti, ali realizirano i niz projekata od društvenog značaj koji doprinose razvoju grada Lukavca i Tuzlanskog kantona. S tim u vezi Vlada Tuzlanskog kantona očekuje i da novi vlasnici nastave biti barem na istom kursu u pogledu društvene odgovornosti i suživota prvenstveno sa gradom Lukavcem i Lukavčanima, ali i cijelim Tuzlanskim kantonom”, kazao je premijer Halilagić.

Delegaciju kompanije “Lukavac Cement” d.o.o. predvodili su predstavnik novog vlasnika, kompanije “Talentis International Construction Investments Kft.” iz Mađarske i predsjednik Nadzornog odbora “Lukavac Cement” d.o.o. Németh Tamás i savjetnik vlasnika Csatai Robert, a uz njih u delegaciji su bili i generalni direktor “Lukavac Cement” d.o.o. Stjepan Kumrić, izvršni direktor za finansije Damir Imamović i direktor za prodaju i marketing Nihad Begić.

Inače, Mészáros Grupa, kojoj pripada i Talentis, najveća je privatna mađarska korporacija i drugi najveći poslodavac u Mađarskoj nakon Vlade. Polja njihovog ulaganja su raznolika, od građevinarstva, poljoprivrede, trgovine pa do finansijskih usluga.

Predsjednik Nadzornog odbora Németh smatra da će Talentis Grupa novim ulaganjima dodatno unaprijediti proces proizvodnje, osigurati održivost poslovanja i plasirati svoje proizvode na nova tržišta.

“S fokusom na zelenu agendu i održivi razvoj, Talentis Grupa planira integrirati Lukavac Cement u svoju strukturu i implementirati nove projekte i ideje koji će doprinositi smanjenju emisije ugljika i povećanju udjela alternativnih goriva, kao i primjenu solarne energije da bi proizvodnja cementa bila još “zelenija”. U tom smislu veliku važnost ima primjena cirkularne ekonomije i iskorištavanje otpada kao resursa, te se nadamo da ćemo sa Vladom Tuzlanskog kantona nastaviti uspješnu saradnju i realizirati više značajnih projekata u budućnosti”, kazao je Németh.



Na kraju sastanka dogovoreno je da predstavnici Cementare svoje interese i ciljeve konkretizuju i Vladi Tuzlanskog kantona dostave u formi pisma namjere, a što će biti i svojevrsna inicijativa za formiranje stručnih timova koji će raditi na konkretizaciji prezentiranih ideja.

Odjeljenje za informisanje



Saobraćajna deblokada Tuzlanskog kantona...

Konferencija o stanju i perspektivama ekonomskog i infrastrukturnog razvoja Tuzlanskog kantona

Kantonalna privredna komora Tuzla organizator dvodnevne Konferencije u Tuzli



U Tuzli je održana dvodnevna Konferencija o stanju i perspektivama ekonomskog i infrastrukturnog razvoja Tuzlanskog kantona. Na konferenciji se razgovaralo o saobraćajnoj deblokadi Tuzlanskog kantona koji se decenijama nalazi u nepovoljnom položaju u odnosu na druge dijelove Bosne i Hercegovine, posebno uzimajući u obzir privredni značaj i potencijale za razvoj. Ovaj skup, kroz diskusiju i planirane panele rezultirao je zajedničkim stavovima koji se odnose na brži i efikasniji razvoj infrastrukture i privrede Tuzlanskog kantona. Organizatori Konferencije su Kantonalna privredna komora Tuzla i Grupacija poslodavaca Tuzlanskog kantona UPFBiH, a na Konferenciji su učestvovali i članovi Vlade Tuzlanskog kantona predvođeni premijerom Tuzlanskog kantona Irfanom Halilagićem.

Tokom prvog dana, nakon pozdravnih obraćanja predsjednika Kantonalne privredne komore Tuzla Nedreta Kikanovića i šefa Kooperacija u Delegaciji Evropske Unije u Bosni i Hercegovini Stefana Elera (Stefano Ellero), upriličene su dvije prezentacije i jedan panel.

“Zadovoljstvo mi je pozdraviti vas i poželjeti vam dobrodošlicu na Konferenciju o stanju i perspektivama ekonomskog i infrastrukturnog razvoja Tuzlanskog kantona. O privrednom značaju Tuzle i Tuzlanskog kantona, snazi naših privrednih subjekata, nije potrebno posebno govoriti, ali moramo i hoćemo govoriti o temama koje otežavaju poslovanje, a posebno o saobraćajnoj infrastrukturi koja je među najvećim otežavajućim faktorima. Stare saobraćajnice kroz naseljena mjesta, gužve, povećano vrijeme i troškovi transporta smanjuju efikasnost našeg poslovanja. Decenijama na ovom području nije izgrađena niti jedna savremena cesta. Ova regija je područje iz koje se teško izlazi i u koju se teško dolazi. Krajnje je vrijeme da se odgovori na apele građana i privrednika”, kazao je Nedret Kikanović predsjednik Kantonalne privredne

komore Tuzla i izrazio želju da ova konferencija pošalje jasnu poruku da je krajnje vrijeme da na Tuzlanskom kantonu počnemo graditi savremene saobraćajnice.



Na prezentacijskom dijelu Konferencije, predstavnici JP “Ceste Federacije BiH” i Željeznica Federacije BiH su predstavili infrastrukturne projekte u TK, planove i dosadašnju realizaciju u programima javnih preduzeća, dok su u drugom panelu na temu “Saobraćajna deblokada Tuzlanskog kantona” učestvovali ministar prometa i komunikacija BiH Edin Forto, premijer Tuzlanskog kantona Irfan Halilagić i predstavnik Udruženja poslodavaca TK Faruk Širbegović. U okviru panela razgovarano je o utjecaju saobraćajne blokade na privredni razvoj i definisanju prioriteta u saobraćaju.

“Krajnje vrijeme da neke stvari konkretno poduzimamo je bilo prije 5 ili deset godina. Nažalost mi još nemamo konkretnih i vidljivih projekata na terenu. Stoga smo procijenili da na ovaj način moramo djelovati. Svaki parcijalni ili pojedinačni pristup ili pristup manje grupe u smislu inicijativa da se neke dionice magistralnih puteva sanira nije dobar pristup. To sam i sam uvidio u mojim



postupanjima unazad dvije godine. To ne donosi rezultat. Ovdje govorimo o ozbiljnim investicijama i ozbiljnim projektima i o jednoj borbi da Tuzlanski kanton ne ostane izolovan. Dakle Ovo je jedini način da svi relevantni društveni činioci na području Tuzlanskog kantona uključujući prije svega privrednike, javnost, mediji, akademsku zajednicu, a onda na kraju i političke subjekte koji participiraju na području našeg kantona, koji daju svoje poslanike da zajednički podignemo glas za Tuzlanski kanton", kazao je premijer Halilagić, te dodaje da je teško ocijeniti zašto je ovakav pristup i odnos prema Tuzlanskom kantonu.



"Unazad godina sve su se strukture izmijenjale i niti jedna nije napravila veći iskorak kada je u pitanju naš kanton. Mi želimo povući crtu. Bilo je kako je bilo, ali hajde da postavimo prioritete kada je u pitanju Tuzlanski kanton i da oni koji dođu na bilo koje pozicije i kada su u pitanju institucije Tuzlanskog kantona, a posebno kada su u pitanju viši nivoi vlasti, da oni snažno zastupaju te interese i da na neki način postave uslov daljeg postupanja institucija Federacije BiH, Cesta i Autocesta FBiH i Vlade, u smislu da se konačno konkretni projekti realizuju na području Tuzlanskog kantona", zaključio je Halilagić.

Konferencija o saobraćajnoj infrastrukturi TK, 2. dan



U Tuzli je uspješno održana dvodnevna konferencija pod nazivom "Konferencija o stanju i perspektivama ekonomskog i infrastrukturnog razvoja Tuzlanskog kantona". Drugog dana Konferencije, upriličena su tri panela. Nakon uvodnog obraćanja i otvaranja radnog dijela Konferencije koje je dao Otvaranje drugog dana konferencije Anto Marković potpredsjednik UO Grupacije poslodavaca TK pri UP FBiH, pristupilo se prvom panelu pod nazivom "Uticaj saobraćajne blokade na privredni razvoj TK" akoji je moderirao Bahrija Umihanić profesor Ekonomskog fakulteta Univerziteta u Tuzli. Učesvovali su kao panelisti Edin Duraković ministar - MPTK, KPKTZ – Nedret Kikanović predsjednik Kantonalne privredne komore Tuzla, Anto Marković potpredsjednik UO rupacije poslodavaca TK pri UP FBiH i Stjepan Kumrić CEO Lukavac Cement d.o.o.



Drugi panel je nosio naziv : "Prioriteti za saobraćajnu deblokadu Tuzlanskog kantona" a moderator je bio Nenad Lukanović pomoćnik ministra u Ministarstvu za trgovinu, turizam i saobraćaj. Učesnici ovog panela su bili Denis Bećirović ministar - MTTSTK, Vahid Đozo - JP Željeznice FBiH, Alan Topčić profesor - Mašinski fakultet UNTZ i Zijad Omerčić - JU Direkcije regionalnih cesta TK. U trećem panelu koji je nosio naziv "Saobraćajna deblokada TK sa pozicije zakonodavne vlasti" učesvovali su Učesnici: predstavnici i zastupnici stranaka u Parlamentu BiH, Parlamentu FBiH i Skupštini Tuzlanskog kantona. Rezime dvodnevne konferencije je na kraju dao Nedret Kikanović predsjednik Kantonalne privredne komore koji je i proglasio Konferenciju zatvorenom.

Konferencija je rezultirala radnom verzijom zaključaka koji će u narednom periodu biti dopunjeni, dorađeni i pripremljeni za Vladu i Skupštinu Tuzlanskog kantona odakle će inicijativa za njihovo usvajanje i realizaciju poteći ka višim nivoima vlasti u BiH.

Predloženi zaključci predstavljaju smjernice za buduće aktivnosti i planove relevantnih institucija, te osiguravaju kontinuiranu posvećenost i rad na projektima.



Svi zaključci sa dvodnevne Konferencije o stanju i perspektivama ekonomskog i infrastrukturnog razvoja Tuzlanskog kantona, dostupni su na web stranici Komore na slijedećem linku:

<https://kpktz.ba/index.php/test/2413-završena-konferencija-o-sabracajnoj-infrastrukturi-tk>





Konferencija Komore Tuzla daje rezultate...

Premijer Nikšić se sastao sa Udruženjem poslodavaca

Razgovarano o unaprjeđenju uslova poslovanja, razvoju infrastrukture, energetske projekta i podršci poduzetništvu



Nedavna konferencija Kantonalne privredne komore Tuzla o putnoj deblokadi Tuzlanskog kantona svakodnevno daje rezultate. Na zaključcima konferencije nastavljeni su razgovori na relaciji premijer Federacije BiH Nermin Nikšić i Udruženje poslodavaca.

Premijer Nermin Nikšić, zajedno sa zamjenikom premijera i federalnim ministrom razvoja, poduzetništva i obrta Vojinom Mijatovićem, te federalnim ministrima energije, rudarstva i industrije Vedranom Lakićem, trgovine Amirom Hasićevićem i raseljenih osoba i izbjeglica Nerinom Dizdarom, prisustvovao je u Gračanici sastanku sa privrednicima.

Susret na kojem je razgovarano o unaprjeđenju uslova poslovanja, razvoju infrastrukture, energetske projekta i podršci poduzetništvu, održan je u organizaciji Udruženja poslodavaca i samostalnih privrednika Gračanice, a prisustvovali su i izvršni direktori javnih preduzeća "Autoceste FBiH" i "Ceste FBiH".

Premijer Nikšić istakao je ovom prilikom da je Gračanica važan privredni kraj, sa izuzetno razvijenim i uspješnim poslovnim ambijentom i rezultatima.

"Lako je u takvom okruženju razgovarati o budućim koracima, saradnji i podršci. Svako u svom dijelu i dopremijer i ministri Mijatović, Dizdar, Hasićević, Lakić, ali i cijela Vlada FBiH radit će na toj nadogradnji. Vjerujem da je i ovaj uspješan razgovor sa privrednicima u organizaciji Udruženja poslodavaca i Samostalnih privrednika Gračanice doprinos tom cilju", kazao je premijer Nikšić.



Posebno je ukazao na potrebu putne deblokade, koja bi pratila razvoj privrede u Gračanici i potrebe privrednika.

"Vlada Federacije BiH, "Ceste" i "Autoceste" su pripremile projekte kojima ćemo pokušati da u ovom trenutku stvorimo bolje uslove kada je u pitanju putna infrastruktura, dok ne dođemo u situaciju da gradimo cestu Doboju-Tuzla-Zvornik. I o tome smo razgovarali. Paralelno s tim, ovdje će se raditi i na željezničkoj infrastrukturi, gdje imamo već dogovore sa Svjetskom bankom o finansiranju elektrifikacije željezničkog pravca Doboju-Tuzla-Zvornik", dodao je premijer Nikšić.

Povodom posjete delegacije Vlade Federacije BiH Gračanici, Federalno ministarstvo energije, rudarstva i industrije saopćilo je da su sastanci s poduzetnicima, kao glavnim pokretačima razvoja društva, prilika da se dobiju važne informacije i postignu konkretni i korisni dogovori. U saopćenju Ministarstva istaknuto je da je na sastanku iskazan interes za izgradnju dodatnih solarnih elektrana.

"Federalno ministarstvo energije, rudarstva i industrije je po tom pitanju već obavilo svoj dio posla. Donošenjem tri energetska zakona u 2023. godini osigurali smo lakše procedure i ubrzanje administrativnih procesa, te ih uskladili s propisima EU. Da bi zakoni postali operativni neophodno je da se donese više od 50 podzakonskih akata u čiju izradu je uključeno više institucija. Skoro svi ti akti su već završeni", rekao je ministar Lakić.

Iz ovog ministarstva je navedeno da je neophodno riješiti postojeće barijere i ograničenja energetske sistema, koji za sada onemogućavaju spajanje solarnih elektrana na mrežu.

Također, razgovarano je i o karbon taksu, te potrebi da se završe obaveze vezane uz to pitanje, a kako ne bi došlo do opterećenja za privredu u narednom periodu.

D.K.



Premijer Halilagić u Gračanici...

Tuzlanski kanton mora jedinstveno djelovati

Premijer i ministri razgovarali sa predstavnicima Udruženja poslodavaca i samostalnih privrednika Gračanica



Premijer Tuzlanskog kantona Irfan Halilagić sa resornim ministrima održao je sastanak sa predstavnicima Udruženja poslodavaca i samostalnih privrednika Gračanica na kojem je razgovarano o pitanjima značajnim za privredu i građane TK, a za koje je neophodan sistemski pristup i rješavanje. Premda je sastanak obilježila široka paleta tema značajnih za privrednike i samu lokalnu zajednicu Gračanice, premijer Halilagić izrazio je pozitivne dojmove o konceptu komunikacije i naglasio da Tuzlanski kanton mora jedinstveno djelovati

“Veoma sam sretan zbog ovakvog pristupa, prvi put smo imali agendu, imali smo dnevni red ovog razgovora i mislim da ovaj princip treba proširiti na cijeli kanton. Na sve privrednike TK kako bismo definisali tačno ono što želimo, kako bismo mogli reagovati. Otvorili smo probleme koje do sada nismo imali priliku otvarati. Sve ono što muči privrednike koji su ovdje bili prisutni mi smo dokumentirali i dogovorili naredne korake kako bismo mogli početi rješavati te probleme”, kazao je premijer Halilagić.

Među temama o kojima je razgovarano su izmjene i dopune Prostornog plana za područje TK, kontaminirano zemljište u slivu rijeke Spreče, uvrštavanje u Prostorni plan TK izgradnje adekvatne saobraćajnice Doboj Istok – Tuzla, kako bi gradovi i općine isto uradile kroz svoje Regulatorne planove te pojednostavljenje procedure za izdavanje poljoprivredne saglasnosti. Također se razgovaralo o omogućavanju korištenje poreskih olakšica poslodavcima kod ulaganja u infrastrukturu od značaja za društvenu zajednicu, školstvo, zdravstvo i sl., neophodnosti kreiranja više programa za subvencioniranje poslovanja privrednih društava te da je obrazovanje u srednjim školama potrebno prilagoditi potrebama i zahtjevima privrede.

Mnogo prezentovanih odrednica odnose se i zavise od viših nivoa vlasti i propisa, prije svega federalnog nivoa, naglašeno je ovom prilikom te je dogovoren zajednički pristup ovom problemu.

“Ideja je da formiramo zajedničko tijelo u kojem će biti predstavljeni i institucije i privreda i naučno teoretski akademski nivo, Univerzitet u Tuzli. Da pokušamo jedinstvenim glasom reagovati prema višim nivoima

vlasti kada su u pitanju propisi, promjena određenih propisa, naročito ovih iz radnih odnosa, zatim problemi infrastrukture koja je rak rana TK, o kojoj treba, ne samo pričati, nego djelovati i tražiti”, rekao je premijer Halilagić.



Na sastanku je dogovoreno rješavanje problema kružnog toka u Gračanici koji će Direkcija regionalnih cesta TK uzeti kao prioritetan projekat.

Predsjednik Udruženja poslodavaca i samostalnih privrednika Gračanica Mirsad Helić potvrdio je da je dogovoreno ubrzanje procedura koje su pod ingerencijom Vlade TK.

„Ono što nam je svima interes jeste nivo koji se nalazi na federalnom nivou, putna komunikacija koja je akutni problem kada je u pitanju naš cijeli kanton. Također ono što nam je jako bitno je da smo danas dobili potvrdu od premijera Halilagića i od resornog ministra Denisa Bećirovića da je kružni tok na regionalnoj cesti koja prolazi kroz Gračanicu također u fazi projektovanja i izrade projektnog rješenja tako da ćemo naredne godine ući i u radove”, kazao je Helić.

Nakon sastanka delegacija Vlade TK, u čijem sastavu su bili i ministrica prostornog uređenja i zaštite okolice Anela Ajšić, ministar privrede Edin Duraković, ministar trgovine, turizma i saobraćaja Denis Bećirović, ministar poljoprivrede, šumarstva i vodoprivrede Fedahija Ahmetović i ministar obrazovanja i nauke Ahmed Omerović, obišla je firme Tring d.o.o. Gračanica i firme Plamingo d.o.o. Gračanica.

D.K.



Vlada TK podržava inicijativu...

“Putna izolacija Tuzle i Tuzlanskog kantona, dokle ćemo biti crna rupa”

“Okрупnjavanje i artikulacija zajedničkih, lokalnih interesa, te njihovo zastupanje pred drugim nivoima vlasti”



“Vlada Tuzlanskog kantona pozdravlja svaku inicijativu koja za cilj ima okрупnjavanje i artikulaciju naših zajedničkih, lokalnih interesa, te njihovo zastupanje pred drugim nivoima vlasti”, kazao je premijer Tuzlanskog kantona Irfan Halilagić prisustvujući Javnoj tribini Tuzlanskog akademskog kluba, na temu “Putna izolacija Tuzle i Tuzlanskog kantona, dokle ćemo biti crna rupa”. Također, premijer se zahvalio intelektualnoj eliti Tuzle koja je, na bazi zvaničnih podataka uradila analizu i pridružila se Vladi Tuzlanskog kantona u intenzivnim pokušajima da se Tuzlanskom kantonu vrati barem dio sredstava koja se izdvajaju za izgradnju puteva u Federaciji BiH.

“Mi već dvije godine samostalno pokušavamo, kucamo na vrata federalnih institucija, posjećujemo ih, molimo i tražimo da se interesi građana Tuzlanskog kantona uvažavaju i da nam se kroz investiranje u putnu infrastrukturu vrati u skladu sa onim koliko građani našeg kantona, kroz akcije na gorivo i ostala izdvajanja kroz registracije motornih vozila, dajemo federalnim institucijama. Nažalost nismo vidjeli neke značajnije pozitivne pomake, tako da nam ovakve inicijative mnogo znače. Ovo nisu i ne smiju biti politička pitanja. Ovo su sada već egzistencijalna pitanja za Tuzlanski kanton”, riječi su premijera Halilagića.

Cilj javne tribine je da se ubrza izgradnja neophodnih saobraćajnica u Tuzli i Tuzlanskom kantonu kroz analizu stanja cestovne infrastrukture na našem području, pregled planiranih razvojnih projekata iz ove oblasti, analizu uzroka neizgradnje planiranih saobraćajnica, a predložene su i određene mjere za ubrzanje izgradnje planiranih saobraćajnica, prioriteta, rokovi i načini finansiranja tih neophodnih projekata za razvoj našeg područja. Cilj Udruženja građana “Tuzlanski akademski klub” je, između ostalog, da kreiramo autoritativne prijedloge razvojnih projekata iz raznih oblasti, te da istražujemo i promoviramo moguće oblike rješavanja osnovnih životnih problema Tuzle i Tuzlanskog kantona nastojeći mobilizirati širu društvenu javnost i odgovorne institucije i pojedince za poboljšanje kvaliteta života građana našeg područja.

“Jedan od gorućih problema Tuzle i Tuzlanskog kantona je alarmantan nedostatak cestovnih saobraćajnica i njihovo

stanje na našem području. Tuzlanski kanton sa središtem u Tuzli, kao društveno-politički, privredno-ekonomski, obrazovni i medicinski centar, postaje najzaostalije područje BiH, posebno sa aspekta putne infrastrukture, odnosno putne blokade koja traje preko 20 godina, tako da predstavljamo svojevrsnu “CRNU RUPU” u cijeloj Bosni i Hercegovini. Želimo da se sadašnje stanje hitno mijenja, te da kroz otvorenu demokratsku, stručnu i argumentovanu raspravu doprinesemo bržem razvoju našeg kantona i konačno pružimo perspektivu svim građanima, a posebno mlađoj generaciji za bolje uslove života”, rekao je predsjednik Udruženja prof. dr. Sadik Latifagić.



Tokom tribine premijer Halilagić je prisutne upoznao i da Vlada, zajedno sa Kantonalnom privrednom komorom TK i drugim sudionicima, već neko vrijeme intenzivno radi na pripremi konferencije o stanju i perspektivama ekonomskog i infrastrukturnog razvoja Tuzlanskog kantona, a koja bi trebala biti održana u prvoj polovini juna, koja će također objediniti i artikulirati interese privrede, a sve u cilju stvaranja pozitivnog pritiska kako bi se stvari u ovoj oblasti počele brže mijenjati u pozitivnom smjeru.

Odjeljenje za informisanje



Zaključci sa javne tribine u Tuzli...

“Dokle ćemo biti Crna rupa”

Putna izolacija Tuzle i Tuzlanskog kantona



Javna tribina je pripremljena i organizovana od strane Udruženja “Tuzlanski akademski klub” Tuzla sa ciljem da se izvrši analiza stanja cestovne infrastrukture na području Tuzle i Tuzlanskog kantona, izvrši pregled planiranih razvojnih projekata iz oblasti cestogradnje, izvrši analiza uzroka neizgradnje planiranih saobraćajnica te predlože mjere za ubrzanje izgradnje planiranih cestovnih saobraćajnica, prioriteta, rokovi i načini finansiranja tih neophodnih projekata za razvoj našeg područja. Na javnoj tribini prema listi prijavljenih prisustvovalo je preko 50 učesnika i većina medija iz cijele Bosne i Hercegovine. Među prisutnima su bili predstavnici federalnih, kantonalnih, gradskih i općinskih institucija, privrednici, nevladin sektor i ostali građani.



Na osnovu uvodnih izlaganja zvaničnika, prezentiranih materijala i diskusija učesnika tribine donijeti su slijedeći zaključci:

1. Alarmantno je zaostajanje Tuzle i Tuzlanskog kantona u nerealizaciji planiranih strategija i prostornih planova u izgradnji modernih cestovnih saobraćajnica na području Tuzle i Tuzlanskog kantona.
2. Nedopustiva je neaktivnost svih ili ogromne većine parlamentarnih zastupnika sa područja Tuzlanskog kantona, na svim nivoima države BiH da se zalažu za realizaciju za nas životno važnih putnih komunikacija koje su već identifikovane u strategijama svih nivoa Bosne i Hercegovine.
3. Identificirani strateški projekti putne infrastrukture od interesa za Tuzlanski kanton i naše šire područje moraju biti zajednički interes svih stranaka, izabranih zastupnika i zvaničnika sa područja Tuzlanskog kantona.
4. Tražimo da se načelnici i gradonačelnici općina i gradova Tuzlanskog kantona više angažuju na realizaciji prioriteta putnih komunikacija radi interesa svojih građana bez obzira na nadležnost viših institucija (kantona, federacije, države).
5. Zahtijevamo da nadležne Direkcije za održavanje cesta pod hitno poduzmu aktivnosti na održavanju puteva jer postojeće stanje ugrožava živote svih putnika, a ugrožava i normalnu ekonomsku aktivnost.
6. Tražimo da se hitno donesu rokovi početka i završetka izgradnje na ovoj Tribini prezentiranih cestovnih saobraćajnica i to:
7. Autoput Tuzla – Brčko – Žepče (veza sa koridorom VC – Sarajevo- Ploče)
8. Brzi put ili Autoput Tuzla – Sarajevo;
9. Brzi put Kalesija – Živinice - Tuzla – Gračanica;
10. Sjeverna obilaznica oko Tuzle (nivo M-puta);
11. Južna obilaznica oko Tuzle (nivo M-puta);
12. Brzi put Tuzla – Međunarodni aerodrom Tuzla, (Slavinovići – tunel Ilinčica-Dubrave)
13. Produženje JUŽNE glavne gradske magistrale (na istok do Slavinovića i na zapad od tranferzale „Siporeks” do M18).
14. Svi postojeći magistralni i regionalni putevi na teritoriji TK (kvalitetno održavanje, modernizacija i po potrebi – rekonstrukcija).
15. Tražimo da se u naredna dva četverogodišnja perioda u izgradnju prioriteta cestovnih saobraćajnica u Tuzlanskom kantonu ulaže dvostruko više sredstava od iznosa koji se godišnje prikupe na našem kantonu na osnovu propisa za finansiranje cestovne izgradnje da bi se dostiglo dosadašnje nedopustivo zaostajanje (što iznosi oko 400 miliona KM godišnje).
16. Pod hitno u skladu sa našim kantonalnim, gradskim i općinskim prostornim planovima, strategijama i današnjim potrebama revidirati kantonalna planska dokumenta i ista hitno dostavi na nadležne institucije Federacije BiH da bi izgradnja naših cestovnih prioriteta pod hitno bila dio odgovarajućih planskih dokumenata Federacije, a na osnovu čega bi nadležne institucije i javna preduzeća mogla planirati realizaciju naših prioriteta cestovnih saobraćajnica.
17. Tražimo da se u Tuzlanskom kantonu formira Operativni ured od strane JP Ceste Federacije BiH i JP Autoceste Federacije BiH sa ciljem pokretanja hitnih aktivnosti na održavanju mreže magistralnih cesta i izgradnji brzih puteva i autocesta u Tuzlanskom kantonu.
18. Nadležno ministarstvo obrazovanja TK sa Univerzitetom Tuzla treba obezbijediti u svojim nastavnim programima obrazovanje neophodnih kadrova iz oblasti saobraćaja.
19. Preporučuje se Kantonalnoj privrednoj komori Tuzlanskog kantona da na odgovarajući način organizuje preduzeća sa našeg područja u smislu spremnosti za izgradnju prioriteta cestovnih saobraćajnica.

Udruženje “Tuzlanski akademski klub” Tuzla



Sajamske aktivnosti...

Održan 22. sajam "List" Lukavac

- 22. Međunarodni sajam turizma i ekologije "LIST" Lukavac



U Lukavcu je održan 22. Međunarodni sajam turizma i ekologije "LIST". Sajam je ove godine okupio 192 izlagača iz Bosne i Hercegovine i zemalja regije i Evrope. Direktor Lukavačkog sajma Izet Nuhanović izjavio je da su prezadovoljni velikim brojem posjetilaca na početku sajma, ali i samom činjenicom da ta manifestacija traje već 22 godine. i ove godine su održani brojni okrugli stolovi, prezentacije i razgovori iz oblasti turizma. **"Potrudili smo se da imamo dosta pratećih sadržaja i uvjereni smo da će sve biti održano onako kako je i planirano"**, izjavio je Nuhanović. Ovogodišnji izlagači i suizlagači dolaze iz BiH, Crne Gore, Hrvatske, Italije, Slovenije, Srbije i Turske. Još jedna uspješna sajamska manifestacija, još jedna izvanredna prilika da svoj rad, proizvode i usluge predstave brojni privredni subjekti, hoteli, turističke zajednice, turističke agencije, udruženja građana, fakulteti, škole, ambasade i ministarstva.

Inače, sajam "LIST" je uvršten među najznačajnije poslovne događaje / Sajmove u BiH za 2024. godinu. Vanjskotrgovinska/ Spoljnotrgovinska komora Bosne i Hercegovine svake godine izrađuje "Kalendar sajmovi i manifestacija u Bosni i Hercegovini" koji pruža detaljan i hronološki pregled najznačajnijih poslovnih događaja u zemlji nudeći na jednome mjestu sve neophodne kontakte kao važan preduslov za direktan nastup potencijalnih izlagača, odnosno posjetu nekom sajamskom događaju, izložbi, konferenciji, kongresu ili drugoj promotivnoj aktivnosti. Lukavački sajam je manifestacija koja se održava 22. godinu za redom što je prilično veliki poduhvat,

značajan uspjeh i podatak kojim se malo koji sajam u regiji može pohvaliti. Kroz ovu manifestaciju se predstavilo više hiljada izlagača iz Srbije, Hrvatske, Italije, Njemačke, Turske, Crne Gore, Slovenije, Makedonije, Mađarske i Albanije. Mnogobrojni privredni subjekti, hoteli, turističke zajednice, turističke agencije, udruženja građana, fakulteti, škole, ambasade i ministarstva su kroz ovu manifestaciju predstavila svoj rad, proizvode i usluge širokoj publici. I Kantonalna privredna komora Tuzla je predstavila svoje članice u okviru zajedničke postavke "Privreda TK".

Zajedničku postavku su ove godine činili: "Eko život" Tuzla, "TQM" Lukavac, "Terme Ozren" Petrovo, "Golden tours" Tuzla, "Centralno grijanje" dd Tuzla, Turistička zajednica Tuzlanskog kantona, Turistička organizacija Grada Tuzla, "FinRa" Tuzla, "Radius" Gračanica, "Lović & CO" Lukavac, "Portanaturae" Srebrenik, "Aronija Okanović" Tuzla, "Nova banka" Banjaluka PJ Tuzla, "Voćar" Brčko, "Mlin Nezić" Gradačac, "Fana" Srebrenik, "Corn flips" Srebrenik, "Piemonte" Tuzla, Hotel "Vertigos" Tuzla, Hotel "Tehnograd" Tuzla, "Borplastika Eko" Tuzla, "Imel" doo Lukavac, "Alpha smart energy" doo Tuzla, "Yavuz company" Srebrenik, "Wortmann Metal" Tinja, "Cydonia" Gračanica, MI "Prima VIP" Orašje, "Tehno-Beton" doo Gračanica, "Solana" dd Tuzla, Restoran "Bardak" Đurđevik, "Pašnjak" doo Tuzla, "Transturist" Tuzla, "AgroLife" Mionica, Grupacija proizvođača gljiva i komposta TK, OR Api riznica Živinice, "Cofi" Kalesija, "Guber" Tuzla, hotel "Senad od Bosne" Lukavac, UG "Aktivus" Tuzla, "Kupres Milch" Kupres.



“Tuzlaci uživali u kafi i čokoladi”...

Održan 1. sajam Kafe i Čokolade u Tuzli

Manifestaciju u organizaciji UG Activus za nepuna tri dana posjetilo je više od 10.000 gostiju



“Tuzlaci uživali u kafi i čokoladi”, ovako bi u najkraćem mogli opisati prvi dan Sajma Kafe i Čokolade u Tuzli. Nakon svečanog otvaranja koje je ozvaničeno tradicionalnim “srkom” kafe “dočekuše” na samom ulazu u HRC “Sveti Franjo”, više stotina građana Tuzle je u narednih par sati uživalo u vrhunskoj kafi i čokoladnim delicijama. “Ovo je ispunjenje mog životnog sna koji dugo sanjam”, priznao je Edis Bajić idejni tvorac i organizator Sajma ispred UG Activus. Osim njega na samom otvaranju prisutnima su se obratili i generalni konzul Republike Hrvatske u Tuzli g-din Ivan Bandić, Amra Jaganjac direktorica Turističke zajednice Tuzla, Ministar obrazovanja i nauke TK Ahmed Omerović dok je sam Sajam proglasio otvorenim gradonačelnik Tuzle Zijad Lugavić uz moderiranje Hazima Mujčinovića. U zabavnom dijelu programa goste su zabavljali mališani iz dječijeg hora Lege Artis, Nata Bagarić, Zlatan Mujkić i Irma Hasić sa bendom. Šest ekskluzivnih kafe

brendova, 15 handmade čokolaterija, čokomed API Riznice Handalić, kolači i ostale slastice... oduševili su sve posjetioce. Na Sajmu Kafe i Čokolade osim degustacija održana su i brojna stručna predavanja, te prvo izdanje kviza sa Deanom Kotigom. U znak podrške ovom Sajmu održana je i posebna sjednica Udruženja za trgovinu, ugostiteljstvo i turizam i Udruženja turističkih agencija Kantonalne privredne komore Tuzla. Sajam Kafe i Čokolade održan je sredinom maja u Tuzli u Hrvatskom Kulturnom Centru “Sveti Franjo” u centru grada a manifestaciju u organizaciji UG Activus za nepuna tri dana posjetilo je više od 10.000 gostiju i svi su bez iznimke bili prezadovoljni ponudom te kušanjima kafe i čokolade i ostalih slastica u okviru Sajma.

“Dani jagodastog voća” u Čeliću...

“Jagodarevo” privuklo veliku pažnju posjetilaca

Organizatori ovogodišnje manifestacije su Općina Čelić i ZZ “Poljopromet” Čelić



Manifestacija “Dani jagodastog voća” održana je u Čeliću, a građani su s radošću dočekali goste koji su u Čeliću boraviti sredinom maja.

Tako je Čelić postao centar okupljanja privrednika, turističkih radnika i udruženja građana. Organizatori ovogodišnje manifestacije su Općina Čelić i ZZ “Poljopromet” Čelić. Manifestaciju je otvorio ministar poljoprivrede, šumarstva i vodoprivrede Tuzlanskog kantona Fedahija Ahmetović, sa načelnikom općine Čelić Admirom Hrustanovićem i federalnim ministrom raseljenih osoba i izbjeglica Nerinom Dizdarem. Ministar Ahmetović je kazao da kada neko reklamira svoju jagodu, na njoj napiše “Čelička”, najbolje pokazuje koliko je jagoda sa ovih prostora sama po sebi brend, a taj brend prisutan je u Tuzli, Sarajevu, Mostaru, Banjoj Luci, ali i van Bosne i Hercegovine. Imajući to u vidu, kazao je, svake godine Vlada TK

realizira program podrške poljoprivrednim proizvođačima, među kojima je i podrška za proizvođače jagode. “Od ukupno nešto više od 2,3 miliona KM, sa koliko su kroz ovaj program pomognuti poljoprivrednici sa područja Čelića, za proizvodnju jagode u zaštićenom prostoru u 2023. godini izdvojeno je više od 1,1 milion KM, za proizvodnju sadnica jagodičastog i bobičastog voća u iznosu više od 100.000 KM, za proizvodnju krošnjastog voća više od 300.000 KM, za sufinansiranje nabavke plastenika visokih tunela 227.500 KM, za proizvodnju jagodičastog voća na otvorenom 3.320 KM”, kazao je Ahmetović. Najavio je da će Vlada TK i u narednom periodu posvetiti posebnu pažnju u cilju unapređenja te ali i svih drugih proizvodnji. Organizatori manifestacije, koja je prepoznata kao manifestacija koja okuplja one koji njeguju svoju historiju, tradiciju i kulturnu baštinu, su Općina Čelić i ZZ “Poljopromet” Čelić, a jedan od generalnih pokrovitelja je Vlada TK, saopćeno je iz Vlade TK. Ovogodišnje Jagodarevo, kako je ova manifestacija poznata u narodu, i ove je godine privukla veliku pažnju posjetilaca.

D.K.



Sajamske manifestacije u BiH...

Gradačac: 51. sajam šljive od 28. do 31.8.



Manifestacija "Sajam šljive" u Gradačcu, 51. po redu, ove će godine biti održana od 28. do 31. avgusta na lokaciji Sportske dvorane "Skenderija" u Gradačcu. Kao i prošle godine, i na ovogodišnjem sajmu se očekuje blizu 300 izlagača iz Bosne

i Hercegovine i regiona, isključivo iz sektora poljoprivrede i prehrambene industrije. Svoje mjesto su rezervisali, pored izlagača, partneri i mnogobrojni mediji koji su tradicionalno pokrovitelji ove manifestacije, te strane organizacije koje traže priliku da podrže i finansiraju domaće kompanije. Tokom sajma će biti organizovane razne konferencije, okrugli stolovi, te edukacije.

"Sajam šljive" je najstarija sajamska manifestacija u Bosni i Hercegovini, te je od strateškog značaja za Grad Gradačac i Bosnu i Hercegovinu. Sajam predstavlja priliku za umrežavanje, razmjenu iskustava i znanja između izlagača i posjetilaca, te čini platformu za uspostavljanje novih poslovnih prilika. Organizator sajma je "Visit Gradačac" - Turistička zajednica Gradačac a pokrovitelj sajma je Grad Gradačac.

Modriča: "Sajam privrede 2024" , 5-6.9.



"Sajam privrede Modriča 2024" je izuzetna prilika da svoje proizvode i usluge predstavite velikom broju poslovnih partnera i posjetilaca te da adekvatnom i ciljanom promocijom pridobijete nove klijente i ostvarite značajne poslovne kontakte. Izlaganje na Sajmu prilagodili smo različitim strukturama firmi i organizacija - od malih zanatsko-preduzetničkih radnji do velikih poslovnih kompanija iz svih branši. "Sajam privrede Modriča 2024" biće održan 5. i 6. septembra 2024 godine. Sajam privrede u Modriči organizuje se od 2010. godine i predstavlja najvažniju privrednu manifestaciju, koja ima tendenciju stalnog razvoja i prerastanja u tradiciju. Cilj osnivanja Sajma je razmjena novih tehnologija i znanja, povezivanje privrednika, udruženja i privrednih komora, kao i prezentacije novih proizvoda i usluga. Sajam okuplja subjekte iz svijeta privrede, malog preduzetništva, turizma, kao i poljoprivrede. Za dva dana, koliko traje sajamska manifestacija na Sajmu se predstavi preko 250 izlagača iz zemlje i regiona, na površini preko 6000 m² izložbenog prostora, a sajam posjeti preko 5000 posjetilaca. Detaljnije informacije : www.raomd.org. Organizator Sajma: Razvojna agencija opštine Modriča.

PKUSK poziva na 20. sajam Ekobis, 5 -8.9.



Privredna komora Unsko-sanskog kantona vas poziva na 20. međunarodni sajam ekologije - EKOBIS 2024 koji će se održati od 5 -8. septembra 2024. godine na lokaciji Sportske dvorane "Luke", Bihać, Bosna i Hercegovina. U okviru sajma

EKOBIS 2024 održat će se i 3. međunarodni sajam turizma - EKOTOUR, te 4. međunarodni sajam obrta. Ovogodišnji sajam prati teme zelene tranzicije, tehnologija i energije i nosi moto "Zajedno bojimo budućnost". Generalni sponzor sajma su Vlada Unsko-sanskog kantona i Ministarstvo privrede Unsko-sanskog kantona, a suorganizator Grad Bihać. Podrška sajmu su Ministarstvo vanjske trgovine i ekonomskih odnosa BiH, Federalno ministarstvo poljoprivrede, vodoprivrede i šumarstva, Agencija za vodno područje rijeke Save, Vanjskotrgovinska/Spolnotrgovinska komora BiH i Privredna/Gospodarska komora FBiH. Prijavite se na vrijeme i osigurajte svoje mjesto na sajmu! Dodatne informacije možete dobiti pozivom na +387 (0)37 316 350 te putem e-mail adrese pkusk@bih.net.ba



18. Međunarodni sajam privrede Tešanj 2024, 25-28.9.



18. Međunarodni sajam privrede Tešanj – BiH 2024 će biti održan od 25.-28. septembra tekuće godine. Iako je prošlogodišnji sajam po brojnosti, ali i kvalitetu postao jedan od najboljih u regionu, organizatori konstantno ljestvicu pomjeraju naviše. Prošle godine Sajam je na 20.000 kvadrata izložbenog prostora ugostio više od 500 izlagača iz BiH, EU, Kine, Amerike i Japana. "Udruženje privrednika "Biznis centar" Jelah-Tešanj, kao organizator i implementator međunarodne privredne manifestacije, ulaže maksimalne napore da organizira sajam na najvećem mogućem nivou" – istakla je predsjednica UP "Biznis centar" Jelah-Tešanj Saća Prnjavorac.

Učesnicima će na raspolaganju i ove godine biti dostupan unutrašnji i vanjski izložbeni prostor za afirmativnu prezentaciju kompanija, njihovih proizvoda i usluga, na privrednom prostoru koji je nosilac ekonomskog razvoja u Bosni i Hercegovini. Pripremne radnje za održavanje Sajma su već počele. Shodno kontinuiranom organizacijskom unapređenju, interes izlagača za ovogodišnju privrednu manifestaciju ne jenjava. Očekuje se rekordan broj domaćih i inostranih izlagača, privrednika iz Bosne i Hercegovine, zemalja EU i šire regije. Najavljena su učešća javnih kompanija, predstavnika partnerskih privrednih komora, kao i učešća međunarodnih organizacija i diplomatskih predstavništava. Tešanj je postao jedan od lidera u razvoju ne samo Bosne i Hercegovine, već i šire regije. Zadnji podaci o poslovanju kompanija jasno pokazuju ekonomski napredak i status tešanjске privrede. Da bi održale konkurentnost, tešanjске kompanije vrše stalna ulaganja u nove proizvodne pogone i nove tehnologije. Prepoznavajući značaj i važnost, kao i usklađivanje sa novim vremenom, fokus ovogodišnjeg Sajma je upravo na biznisu budućnosti koji mijenja cjelokupnu energetska sliku, smanjuje troškove, osigurava samoodrživost, pospješuje cjelokupan ekonomski razvoj i pristup politikama Evropske unije. Pozivamo Vas da na vrijeme obezbijedite svoje učešće na najvećem privrednom sajmu u Bosni i Hercegovini, koji će biti centralno mjesto privrednih susreta u septembru na temu biznisa budućnosti!

Zenica: Sajam "ZEPS" od 1. do 5. oktobra



Nakon pet godina pauze, Zenica će ponovno biti domaćin jednog od najznačajnijih događaja u privrednom životu Bosne i Hercegovine – Zeničkog privrednog sajma, poznatog kao ZEPS. Sajam, koji je svoj početak imao još u ratnim godinama 90-ih, postao je simbol privrednog prosperiteta i razvoja regije. ZEPS kao najveći sajam međunarodnog karaktera u Bosni i Hercegovini i sa najdužom tradicijom, već treću deceniju privlači značajan broj domaćih i stranih izlagača. Omjer sudjelovanja domaćih izlagača je fascinantnih 55% naspram 45% stranih izlagača. Do sada je

sajam okupio čak 12.122 izlagača uz impresivnu posjećenost od blizu 1,5 miliona posjetilaca čime je potvrđen njegov status ključnog događaja u Bosni i Hercegovini za unaprijeđenje ekonomskog rasta i razvoja i jačanja međunarodne ekonomske saradnje.

Obilježavajući trideset godina uspješnog djelovanja, ZEPS nastavlja s misijom promovisanja industrijskog razvoja, inovacija i poslovnog umrežavanja. Nebrojani su primjeri u kojima su izlagači iskoristili upravo ZEPS za uspostavu poslovnih kontakata koji su kasnije rezultirali brojnim uspješnim projektima i poslovnim saradnjama. Uz stalni rast broja izlagača iz cijelog svijeta, sa prostorom od preko 20.000 m², u centru grada Zenice koja slovi za kičmu privrede i porektač razvoja cijele Bosne i Hercegovine, ZEPS se nametnuo kao centralno mjesto za proizvođače, kupce, zastupnike, trgovce, udruženja i investitore, željne stvaranja novih poslovnih mogućnosti. ZEPS je prilika za kompanije da promovišu svoje proizvode i usluge, da uspostave nove poslovne kontakte i da doprinesu ekonomskom razvoju regije. Očekuje se da će ovogodišnji ZEPS biti još veći i uspješniji nego prijašnji, te da će donijeti nove poslovne prilike i prosperitet zajednici. Zenica ponovno postaje epicentar privrednih dešavanja, dok ZEPS ostaje sinonim za inovaciju, poslovnu saradnju i napredak.

Sarajevo: "10. Sajam bh privrede", 21 - 24.11.



Zadovoljstvo je obavijestiti Vas da KJP Centar "Skenderija" d.o.o. – Sarajevski sajam, u terminu od 21. do 24. novembra 2024. godine organizuje "10. Sajam bosansko - hercegovačke privrede". Organizacijom sajma Centar "Skenderija" – Sarajevski sajam snažno podržava privredni razvoj pod motom "Domaći proizvod u službi građana Bosne i Hercegovine". Organizacijom Sajma i osmišljenim promotivnim aktivnostima nudimo priliku izlagačima da prikažu najnovija domaća i regionalna tehnološka i kreativna dostignuća. Prilika je to za promociju pozitivnog odnosa prema poduzetništvu, poticanje međusobne saradnje, upoznavanje stručne i druge javnosti s mogućnostima ulaganjima i poticajnim mjerama.

Prijava izlaganja i Informacije o cijeni zakupa na <https://www.kpktz.ba/index.php/test/2392-sarajevo-10-sajam-bh-privrede-21-24-11>



Saradnja mikro i malih poduzeća...

Objavljen prvi javni poziv za novi projekt EmBRACE

Na raspolaganju stoji ukupno 8.725.324,36 eura iz Europskog fonda za regionalni razvoj i IPA III



Hrvatska agencija za malo gospodarstvo, inovacije i investicije (HAMAG-BICRO) objavljuje prvi javni poziv za dostavu projektnih prijedloga suradnje mikro i malih poduzeća na pograničnom području Hrvatske, Bosne i Hercegovine te Crne Gore u okviru Fonda projekata malih vrijednosti (Small Project Fund - SPF), projekta EmBRACE (Enhancing MSEs sustainaBle gRowth And CompEtitiveness). Po prvi put na ovom programskom području, mikro i malim poduzetnicima na raspolaganju stoji ukupno 8.725.324,36 eura iz Europskog fonda za regionalni razvoj i IPA III, od čega je kroz prvi poziv raspoloživo 3.000.000,00 eura.

Što se može financirati kroz projekt?

Financijska potpora će se odobravati za razvoj i prilagodbu poslovnih modela, proizvoda, usluga i procesa, poticanje razvoja lokalnih mikro i malih poduzeća, sa snažnim naglaskom na uvođenje inovacija proizvoda ili procesa, razvoj pilot akcija i novih poslovnih rješenja, uz istovremeno unaprjeđenje njihove prekogranične poslovne suradnje.

Europskim sredstvima može se sufinancirati do 85 % ukupne vrijednosti projekta, pri čemu najviši iznos europskih sredstava koji je moguće ostvariti po malom projektu iznosi 200.000,00 eura. Svaki mali projektni prijedlog treba uključivati suradnju najmanje dva (2), a najviše četiri (4) projektna partnera odnosno krajnja korisnika iz različitih zemalja uključenih u programsko područje. Pritom jedan od partnera mora imati sjedište na području Europske unije. Suradnja partnera iz sve tri (3) zemlje članice programskog područja bodovat će se s dodatnih 5 bodova.

Postupak prijave

Rokovi i detalji o postupku zaprimanja prijave navedeni su u Guidelines for MSEs as Final Recipients (GfA). Predviđeno trajanje javnog poziva je od 18. lipnja do 17. rujna 2024. Dodatne informacije i dokumenti vezani uz prvi poziv projekta EmBRACE dostupni su ovdje. Podrobnije informacije o projektu EmBRACE potražite na službenim stranicama HAMAG-BICRO-a.

Prijave za sudjelovanje u projektu možete predati putem online platforme projekta na poveznici <https://cbchb.eu/application/>.

Projekt EmBRACE i svi detalji javnog poziva su predstavljani na početnoj konferenciji u Splitu 3. 7., a potom su uslijedile informativne radionice za poduzetnike 4.7. u Mostaru, 10.7. u Tuzli, 11.7. u Slavonskom Brodu te 16.7. u Podgorici. Za sudjelovanje na početnoj konferenciji i tematskim radionicama vezano u prvi poziv, prijaviti se možete putem poveznice.

Projekt se provodi u sklopu Interreg IPA programa prekogranične suradnje Hrvatska – Bosna i Hercegovina – Crna Gora 2021. – 2027. te ima za cilj potaknuti kontinuirani rast i unaprjeđenje konkurentnosti mikro i malih poduzeća u pograničnom području triju zemalja.

Za dodatne informacije zainteresirani se poduzetnici mogu obratiti djelatnicima HAMAG-BICRO-a putem elektronske pošte embrace@hamagbicro.hr.

Projekt je sufinanciran sredstvima Europskog fonda za regionalni razvoj (EFRR) i IPA III sredstvima Europske unije.

Interreg



Co-funded by
the European Union

hamagbicro.hr

IPA Croatia – Bosnia and
Herzegovina – Montenegro

HAMAG BICRO

EmBRACE




PRIVREDNA KRETANJA U TUZLANSKOM KANTONU ZA I-IV 2024. GODINE

Prema podacima za period januar - april 2024. godine, došlo je do pada obima industrijske proizvodnje u Tuzlanskom kantonu za 3% u odnosu na isti period 2023. godine. Rast industrijske proizvodnje je ostvaren u kategorijama intermedijarnih proizvoda 3,3% i netrajnih proizvoda za široku potrošnju 10,5%, dok je došlo do pada obima u kategorijama energije 8%, kapitalnih proizvoda 10,6% i trajnih proizvoda za široku potrošnju 29,7%.

Industrijska proizvodnja	Index	%
Ugalj i lignit	118.3	18.3
Ostale rude i kamen	102.3	2.3
Prehrambeni proizvodi	119.3	19.3
Proizvodnja pića	110.2	10.2
Proizvodnja tekstila	99.7	-0.3
Proizvodnja odjeće	81.9	-18.1
Koža i srodni proizvodi	106.5	6.5
Prerada drveta osim namještaja	89	-11
Proizvodnja koksa i derivata nafte	81.7	-18.3
Hemikalije i hemijski proizvodi	101.5	1.5
Farmaceutski proizvodi	91.1	-8.9
Proizvodi od gume i plastičnih masa	103.8	3.8
Ostali nemetalni mineralni proizvodi	110.4	10.4
Proizvodnja baznih metala	120.3	20.3
Metalni proizvodi osim mašina	106.2	6.2
Električna oprema	127.3	27.3
Mašine i uređaji	61.6	-38.4
Proizvodnja namještaja	70.3	-29.7
Proizvodnja i snabdijevanje el.energijom, plinom, parom i toplom vodom	86	-14

Indeks obima industrijske proizvodnje I-IV 2024/ I-IV 2023



Industrijska proizvodnja I-IV 2024/ I-IV 2023 (%)

Ukupni izvoz iz Tuzlanskog kantona u periodu januar - april 2024. godine iznosio je 805,9 miliona KM što je za 10,3% manje u odnosu na nominalnu vrijednost izvoza u istom periodu 2023. godine. U istom periodu ostvaren je uvoz u vrijednosti od 956,5 miliona KM,

što je rast nominalne vrijednosti uvoza od 0,1% u odnosu na isti period prošle godine.

Ostvaren je vanjskotrgovinski deficit od 150,6 miliona KM, a pokrivenost uvoza izvozom je 84%. Najveći izvoz je u mašinskoj i hemijskoj industriji, a najvažniji vanjskotrgovinski partneri su Austrija i Njemačka.

I-IV 2024	Izvoz (000) KM	Uvoz (000) KM
Hrana i piće	26.038	92.484
Industrijski materijali	334.895	347.998
Goriva i maziva	90.489	134.305
Kapitalni proizvodi	143.562	178.308
Transportna sredstva i dijelovi	54.365	62.806
Proizvodi za široku potrošnju	156.604	140.646

Izvoz i uvoz prema BEC I-IV 2024.

U periodu januar – april 2024. godine porezni obveznici iz Tuzlanskog kantona izvršili su uplatu javnih prihoda u iznosu od 450.148.731 KM tj. 9,33% više (38,4 mil. KM) nego u istom periodu 2023. godine. U ukupnoj naplati javnih prihoda, Tuzlanski kanton je drugi sa učešćem od 16,9%, odmah poslije Kantona Sarajevo.

Na kraju aprila 2024. godine u Tuzlanskom kantonu je bilo 105.044 zaposlenih osoba. Prosječna neto plata u Tuzlanskom kantonu u aprilu 2024. je iznosila 1.250 KM što je ispod prosjeka Federacije BiH. U odnosu na kantonalni prosjek iz 2023. godine, neto plaća je veća za 7,7%. Najviše prosječne neto plate su u sektoru informacija i komunikacija (2.696 KM), dok su najniže prosječne neto plate u ugostiteljstvu i hotelijerstvu (848 KM).

Djelatnost	Tuzlanski kanton	
	Neto plaća (IV 24)	IV 24/ 2023 %
A Poljoprivreda, šumarstvo i ribolov	1.171	17,6
B Vađenje ruda i kamena	1.562	8,1
C Prerađivačka industrija	1.023	7,1
D Proizvodnja i snabdijevanje el.en., plinom	1.978	2,0
E Snabdijevanje vodom i uklanjanje otpadnih voda	1.188	4,8
F Građevinarstvo	929	5,1
G Trgovina na veliko i malo	950	5,0
H Prevoz, skladištenje i komunikacije	913	2,8
I Hotelijerstvo i ugostiteljstvo	848	2,0
J Informacije i komunikacije	2.696	41,2
K Finansijske djelatnosti	1.633	1,6
L Poslovanje nekretninama	1.030	2,3
M Stručne, naučne i tehničke djelatnosti	1.181	-2,6
N Administrativne i pomoćne uslužne djelatnosti	993	2,7
O Javna uprava i odbrana	1.761	8,5
P Obrazovanje	1.176	8,4
Q Zdravstvena socijalna zaštita	1.780	1,8
R Umjetnost, zabava i rekreacija	1.102	3,9
S Ostale uslužne djelatnosti	1.294	6,1

STRUČNA SLUŽBA KOMORE



THE CHAMBER OF ECONOMY OF TUZLA CANTON



TUZLA CANTON

Your Business Partner

